



Na osnovu člana 48. stav 1. tačke 18. Statuta Rudnika uglja "Gračanica" d.o.o. Gornji Vakuf/Uskoplje, broj: SD-02-358/20 od 15.07.2020.godine,(u daljem tekstu: Društvo) i Saglasnosti Uprave JP Elektroprivreda BiH d.d. Sarajevo broj:09-91 od 04.01.2022.godine, a u vezi sa članom 3. tačka 5. alineja 4. Ugovora o vođenju poslova i Aneksa na Ugovor o vođenju poslova, članom 8. Odluke o postupku davanja saglasnosti na opšte akte zavisnih društava – rudnika uglja broj: U-01-2799/21-71/4 od 27.01.2021. godine, Odlukom o postupku davanja saglasnosti zavisnim društvima – rudnicima uglja na Odluku o cijenama i uslovima prodaje uglja trećim licima broj: U-01—14696/20-13/4 od 09.06.2020. godine i Odlukom Vlade FBiH o davanju saglasnosti na cijene uglja za termoelektrane, broj: 1847/2021 od 16.12.2021. godine, Direktor Društva donosi:

ODLUKU

o cijenama i uslovima prodaje uglja Rudnika uglja "Gračanica" d.o.o. Gornji Vakuf/Uskoplje

Član 1.

Ovom Odlukom utvrđuju se prodajne cijene i uslovi prodaje svih asortimana uglja Rudnika uglja "Gračanica" d.o.o. Gornji Vakuf/Uskoplje.

Član 2.

Cijene uglja za termoelektrane JP Elektroprivreda BiH d.d.-Sarajevo iznosi 5,64 KM/GJ iz površinske eksploatacije.

Cijene uglja iz stava 1. ovog člana se diferenciraju u zavisnosti od kalorične vrijednosti uglja.

Cijene uglja i uslovi prodaje za JP Elektroprivreda BiH d.d.-Sarajevo utvrđuju se svake godine posebnim Ugovorom u skladu sa Ugovorom o vođenju poslova između JP Elektroprivreda BiH d.d. Sarajevo i Društva, ovom Odlukom i Odlukom Vlade FBiH o davanju saglasnosti na cijene uglja za termoelektrane, broj: 1847/2021 od 16.12.2021. godine.

Član 3.

Cijena uglja za ostale kupce po asortimanima i toplotnoj vrijednosti su prikazane u sljedećoj tabeli.

Asortiman uglja	Granulacija (mm)	Raspon toplinske moći (kJ/kg)	Cijena bez PDV-a	
			(KM/GJ)	(KM/t)
Komad	≥80			110,00
Kocka	40-80			105,00
Orah	20-40			100,00
Mješani	00-60	≤12.000	8,15	
Sitni	00-20	≤12.000	8,15	

Za kupce iz Bosne i Hercegovine cijena iz tabele se uvećava za PDV po Zakonu o porezu na dodatnu vrijednost Bosne i Hercegovine, a za ugalj namjenjen izvozu cijena se proračunava po kursu Centralne banke BiH.

Prodaja uglja iz cjenovnika po toplotnoj vrijednosti izraženih u KM/GJ se vrši isključivo Kupcima u količini ≥ 25 tona, s tim da troškove utvrđivanja toplotne vrijednosti uglja (analiza uglja) snosi kupac. Uzorkovanje uglja se vrši isključivo na mjestu utovara uglja. Za svakog Kupca koji kupuje ugalj po



cijenama iz cjenovnika po toplotnoj vrijednosti izraženih u KM/GJ, Prodavac će definisati dinamiku uzorkovanja uglja.

Član 4.

Cijene uglja iz člana 3. ove Odluke utvrđuju se na paritetu fco separacija/klasirnica Društva, utovareno u prevozno sredstvo Kupca.

Plaćanje uglja vrši se na blagajni Društva ili na glavni transakcijski račun Društva uz izdati predračun.

Član 5.

U izuzetnim slučajevima za ostale kupce, moguće je odstupanje od cijena uglja i uslova prodaje iz člana 3. i člana 4. ove Odluke, što će se za svaki pojedinačni slučaj regulisati posebnom Odlukom Direktora Društva, uz prethodnu saglasnost Vladajućeg društva, s tim da najniža prodajna cijena uglja za pojedinačne ugovore ne može biti niža od cijena uglja koja se primjenjuje za JP Elektroprivreda BiH d.d.-Sarajevo.

Izuzetni slučajevi iz stava 1. ovog člana se isključivo odnose na pojedinačne Ugovore čija vrijednost prelazi iznos od 100.000,00 KM bez PDV-a.

Član 6.

Ova Odluka stupa na snagu danom donošenja, a primjenjuje se od 01.01.2022. godine.

Član 7.

Danom početka primjene ove Odluke prestaje da važi Odluka o cijenama i uslovima prodaje uglja broj: NO-14-043/2017 od 19.01.2017. godine.

Gornji Vakuf- Uskoplje, 31.12.2021.godine

Broj: 01-11-723/2021



Direktor

Osman Sofić, dip.pravnik

Prokurista

Mehrid Omerinović, dip.inž.elek